

INSTRVCTION *Pièce 2*
DV PROCEZ
DE MONSIEVR LE
MARESCHAL
DE MONTMORENCY,
DVC ET PAIR
De France.



M. DC. XLIX.

INSTRUMENT
DU PROCES


DE MONSIEUR LE

MARÉCHAL

DE MONTMORENCY.

DVC ET PAIR

De France.



M. DC. XLIX.



AUDITION DV Duc de Montmorency.



'A N mil six cens tren-
te deux , le vingt
septiesme iour d'O-
ctobre , Nous Anne
de Cadillac , & Cle-
ment du long, Con-
seiller du Roy en sa Cour de Parle-
ment de Thoulouze , & Commissai-
res deputez par sa Maiesté en vertu
de nostre Commission registrée és
Registres de ladite Cour de Parle-
ment , le vingt cinquiesme de ce
mois d'Octobre ; Nous nous som-
mes transportez dans la Maison
Commune de la presente ville pour
proceder à l'audition dudit Duc de

Montmorency, prisonnier és prisons de ladite ville & maison Commune, lequel apres auoir presté entre nos mains sur les sainctes Euangiles, le serment en tel cas requis & accoustumé a promis dire verité.

INTERROGE', de son nom de son aage & de sa qualité.

A répondu qu'il pourroit insister attendu sa qualité de Duc & Pair de France, n'estre tenu de respondre pardeuant nous, sans laquelle protestation puis que c'est la volonté du Roy quand sa response luy seroit mesme preiudiciable il offre de respondre & ce faisant.

Dit se nommer Henry de Montmorency Duc & Pair de France, Gouverneur, & Lieutenant general pour le Roy au pays de Languedoc, aagé de trente sept ans, ou enuiron.

INTERROGE', depuis quel temps il est prisonnier, qu'elle est la cause & le suiet de sa preuention.

Dit estre prisonnier depuis le premier iour de Septembre dernier, il fut conduit dans Castelnaudari, de là au Chasteau de Lectoure; Et ce conduit dans la maison de Ville pour auoir esté dans les troupes de Monseigneur le Duc d'Orleans frere du Roy.

INTERROGE', quel commandement particulier receut-il de sa Maiesté concernant les affaires de cette Prouince, lors qu'il prit congé du Roy pour s'en venir à son gouvernement de Languedoc.

A respondu qu'il receut commandement du Roy à son depart pour accommoder quelques affaires qui estoient en cette Prouince, pour raison desquelles sa Maiesté luy bailla des memoires, suiuant lesquels il proteste auoir fidellement & ponctuellement traouaillé, ainsi qu'il appert, par les protestations que les deputez de la ville de Thoulouze, firent en la Tenué des Estats derniers,

contre le traité par luy negocié en suite desdits memoires

INTERROGE', si depuis estre de retour en son dit gouuernement il ne receut commandement exprez par diuers Courriers du Roy, de s'opposer au passage de mondit Seigneur Duc d'Orleans, & maintenir & conseruer les villes de feldites Prouinces en leur deuoir.

A respondu que les lettres qu'il a escrites par toutes les villes de cette Prouince peuuent tesmoigner qu'il a entierement satisfait à la volonté du Roy, mesme à cette ville de Thoulouze.

INTERROGE', que si contreuenant audit commandemēt qu'il accorde auoir receu du Roy, & contre le contenu desdites commissions au lieu de s'opposer à la venuë dudit sieur Duc d'Orleans, ce n'a esté luy qui la prouoqué d'entrer en France, & s'il ne l'a appellé & fait venir en Languedoc.

A desnié entierement ledit interrogatoire.

INTERROGE', si pour fauoriser les desseins que dés longue main il auoit proietté, tant à Bruxelles qu'autres lieux de ce Royaume, il ne fit pas reuolter les villes de Bagnols, Bessiers, Lunel, les Chasteaux de Beaucaire, d'Allez, & autres places, & fait fermer les portes d'aucunes d'icelles aux troupes du Roy commandées par Monsieur le Marechal de la Force.

Denie auoir iamais rien negocié ny par lettres enuoyées, ny autrement soit à Bruxelles ny ailleurs le Royaume. Et pour ce qui est desdites villes rien n'a esté fait que par le commandement de Monseigneur le Duc d'Orleans frere du Roy.

INTERROGE', s'il n'a rasché de gagner la pluspart de la Noblesse & principaux habitans des villes de cette Prouince pour leur faire abandonner le seruice du Roy, & se

ranger à son party, luy enioignant par le pouuoir que le Roy nous a donné en vertu de nostre commission qu'il ait à nous dire & declarer par noms & surnoms ceux qui l'ont fuiuy.

A dit auoir respondu cy-dessus pour ce qui concerne le General des villes. Et pour le surplus dit n'auoir esté fuiuy d'aucunes personnes que de ses domestiques, ne sçachant le nom ny surnom de ceux qui ont fuiuy ledit Seigneur Duc d'Orleans & qu'il ne sçauroit s'en souuenir.

INTERROGE', cy-apres auoir pris des sommes notables du Roy, pour faciliter les affaires de sa Maiesté en cette Prouince il n'a fait courir tous les faux pretextes qu'il a pû pour soufleuer le pays & les Ministres de son Estat.

Denie ledit interrogatoire bien loin d'auoir pris de l'argent du Roy, qu'au contraire il fallut qu'il y baillât du sien à Monsieur frere du

Roy , & que s'il s'est donné quelques commissions ça esté mondit Seigneur qui les a données.

INTERROGE', s'il n'a pratiqué partie des Prelats, Barons & Deputez des Estats de Languedoc , intimidé & forcé les causes qu'il cognoissoit contraires à ses desseins iusques à leur oster , la liberté de sortir de la ville de Pezenas , ou l'assemblée se tenoit que premierement ils n'eussent resolu & sceu ce qu'il desireroit.

Denie entierement ledit interrogatoire.

INTERROGE', si contre la liberté des Estats il n'auroit de son auctorité fait arrester prisonnier le sieur d'Hemery Conseiller du Roy en ses conseils Intendant , & Conseiller general des Finances, lequel sa Maiesté auoit député pour Commissaire à la dite assemblée & sans lequel luy qui respond ny autres ne pouuoient traiter ny negotier en icelle ny l'au-

thoriser du nom d'Estats.

A denié ledit interrogatoire.

INTERROGE', s'il n'auroit encores eu l'esprit de faire arrester en chemin vn Courier que ledit sieur d'Hemery auoit depesché vers le Roy, luy donnant aduis de ce qui se passoit en l'Assemblée des Estats.

A denié ledit interrogatoire.

Accorde auoir fait arrester vn Courier dudit sieur d'Hemery, & les lettres qu'il portoit dans lesquelles il ne se parloit des affaires des Estats & luy qui respond les enuoya orgueilleusement à Monsieur le Cardinal de Richelieu, par vn Courier exprez avec ses iustifications.

INTERROGE', si en suite de la closture desdits Estats, il auroit mesme retenu l'Archeuesque de Narbonne President, en ladite Assemblée parce qu'il l'auoit tousiours reconnu contraire à ses desseins.

A denié ledit interrogatoire.

Luy auons remontré qu'il déguise

la verité ne pouuant nier qu'il n'ait
 vſé de violence par ſon auctorité tant
 contre ledit ſieur Archeueſque de
 Narbonne que contre ledit ſieur
 d'Hemery, comme directement con-
 traire à ſes deſſeins & aux negotia-
 tions qu'il traitoit & dehors & de-
 dans le Royaume.

INTERROGE', ſi par ſon au-
 ſtorité & celle de l'Eueſque d'Alby
 qui eſtoit de ſa cabale, ils ne firent
 entrer dans ladite ville les troupes
 du Comte de Moret, pour contrain-
 dre les habitans de ſe reuolter & ran-
 ger de leur party.

Denie ledit interrogatoire.

INTERROGE', ſ'il ne com-
 manda audit Guillemier de luy por-
 ter toutes les commiſſions qu'il auoit
 pour les deniers du Roy, leſquelles
 luy qui reſpond ſigna en blanc con-
 tre tout ordre & contre l'vſage en
 tout temps obſerué & les fit con-
 treſigner par force audit Guillemier.

Denie ledit interrogatoire.

INTERROGE', cy-apres auoir signé lefdites commissions il ne s'en feroit luy mefme faifi & fait distribuer icelles tant au Comte de Rieux, qu'autres deputez dudit Diocese.

Denié ledit interrogatoire.

INTERROGE', si par son commandement vn nommé Dalsaut, ne s'empara de la ville de Montreüil, Marallan, & celle de fauzeux ayant failly Narbonne & Lufignan.

Denie le contenu audit interrogatoire que s'il a donné le departement ça eſté par l'ordre de Monsieur frere du Roy.

INTERROGE', où il eſtoit le premier iour de Septembre dernier paſſé, ſi ledit iour il ſe trouua pres Caſtelnaudary, en bataille rangée pour combattre, & attaquer comme il fit l'armée du Roy, commandée par Monsieur le Mareſchal de Schombert, & s'il n'y fut pas bleſſé.

Accorde, le contenu audit interrogatoire, s'il a combattu ça esté par le commandement, de Monsieur frere du Roy, auprès duquel il estoit.

INTERROGE, si en ladite iournée il ne fut pas le premier qui attaqua les gardes Mousquetaires du Roy, de qui il fut suiuy.

Luy enioignant, de par le Roy & par le mesme pouuoir qu'il nous a donné suiuant nostre commission & les declarer tant par nom que surnom, Et particulièrement, nous dire les noms de ces Cavaliers qui franchirent, vn grand fossé avec luy, les autres troupes qui le suuoient, ayans esté arrestez morts ou blessez sans passer plus auant.

A respondū que ce furent les troupes commandées par Monsieur le Marechal de Schombert, qui vindrent plustost, au respondant que luy a eu ne scachant si c'estoit le Regiment, des Gardes & qu'il ne

fut fuiuy en ce combat que du Comte de Rieux, Sainct Florent, Villeneuve, de son Escuyer & du sieur de Puiflaurent, comme il croit.

INTERROGE', quel discours il tint à ceux qui le trouuerent blessé qu'il l'emporterent à Castelnaudary.

A respondu ne se souuenir de ce qu'il dit en l'estat qu'il estoit.

INTERROGE', si apres qu'il fut pensé dans son liét à Castelnaudary, il ne dit à Anthoine Boutillon, Sergent, d'une compagnie au Regiment des Gardes que s'il eust esté bien fuiuy il eust fait vne belle escarre.

Accorde ledit interrogatoire.

INTERROGE', qu'est-ce qu'il répondit sur ce que ledit Sergent Boutillon, luy repliqua que s'il eut eu avec luy ceux qu'il auoit à Veillane cela eust esté bon, mais que ceux qui l'auoient, fuiuy à Veillane auroient esté en ce rencontre contre luy.

A respondu ne s'en souuenir pas.

INTERROGE', si depuis sa prise

il ne dit pas à vn Capitaine, des Gardes du Roy, que le coup qu'il reçut en la gorge dans vn chemin, l'obligea de pouffer, sur les Gardes du Roy.

A respondu que cela pourroit estre mais que veritablement il ne s'en souuient pas.

INTERROGE', de qui il reçoit le coup en sa gorge si ce fut des mousquetaires, ou de la Cauallerie, du Roy, & s'il cognoist le Cauallier, & s'il reçoit autre coup lors dudit Cauallier.

Dit qu'il ne sçauroit, se souuenir de ce qui se passa en ce rencontre.

Luy auons remonstré; si par toutes ses actions qui ne sont que trop noires, il ne recognoist auoir obscurcy le lustre de sa naissance & de son sang, flestry les belles & genereuses actions par lesquelles ses ayeulx auoient si bien merité & des Roys, de France, qu'il en furent


esleuez , aux plus grande & honorables charges du Royaume , conseruées en sa personne , tant par le d'effunct Roy , Henry Le Grand d'heureuse memoire , que par nostre Prince Tres - Chrestien , heureusement regnant de qui luy qui respond a receuant de bons traictemens , recompenses , & liberalitez plus qu'autres Seigneurs de la Cour.

Le second estre au desespoir d'auoir offencé le Roy son Maistre , & auoir cy-deuant dit les subiets qui l'ont precipité à ce malheur , & recognoist auoir receu de sa Maiesté plus de graces qu'il n'a merité.

INTERROGE' si recognoissant sa faute il ne s'en repend , & n'est disposé d'en demander pardon à Dieu , & au Roy.

A respondu s'en estre repenty & s'en repend encores , & que si le Roy luy vouloit donner la vie , qu'il le seruiroit mieux que iamais , & qu'il ne la souhaitoit que pour

employer le reste de ses iours & de son sang pour son seruice , & pour reparer les manquemens qu'il recognoist auoir faict.



*DICTS ET CONCLV-
sions du Procureur general
du Roy.*



PE PROCVREVR
GENERAL du
Roy demandeur, en
cas d'excez de crime
de leze Maieſté au
premier chef contre
le Duc de Montmorency , preuenu
& prisonnier.

Ayant veu les charges responses
dudit preuenu , confrontations des
tesmoins faites & iceluy avec les au-

tres pieces & productions , continuées au procez suiuant L'inventaire d'icelles.

Dit que ledit Duc de Montmorency , par sa propre confession & adueu recognoist la verité des cas & des crimes , dont il est suffisamment atteint & conuaincu de crimes de leze Maiesté au premier Chef par la deposition des tefmoins , qui luy ont esté confrontez la foy & loyauté desquels tefmoins luy mesme a recogneu n'ayant contre eux proposée aucuns reproches , sauf contre Pierre Guillemier Greffier pour le Roy , aux Estat de la Prouince de Languedoc , le tefmoignage duquel demeurera entier pour autant que les reproches contre luy proposés , par le Procureur , sont vagues & generaux , & sans aucune circonstance particulier , des charges d'inimitié & des mauuaises actions , pour lesquels ledit Guillemier doit

estre estimé homme de mauuaise
vie.

De sorte que la preuue , qui se
tire desdits tesmoins demeure en
son entier , outre laquelle les pie-
ces & actes produites & employées
dans l'Inuentaie , dudit Procureur
General contre le preuenue
fournissant vne preuue literale la
foy de laquelle ne peut estre reuo-
quée en doute.

Finaleme[n]t , la notoirité du faict
qu'vn chacun sçait & que personne
ne peut ignorer seroit suffisante ,
quand bien il y auroit quelque cho-
se plus a desirer pour ce & que
non.

Et par ainsi il est vray de dire
que ce preuenue , ne peut éuiter la
seuerité des Loix & Ordonnances ,
& qu'il est à iuger , que puis qu'il
a deu faire la guerre au Roy , &
opposée ses armées à celles de son
Prince , legitime naturel & former
vne guerre Ciuile , & introduire

routes sorte de malheurs, desordres & calamitez dans ces Estats il en reçoie vne punition qui soit exemplaire, pour le bien de l'Estat repos & tranquillité, du peuple que Dieu a soubmis a l'obeyssance du Roy.

Partant consent, que la Cour doit dire & declarer le procez estre en Estat d'estre iugé diffinitiuement, & ledit Duc de Montmorency atteint & conuaincu du crime de leze Maiesté au premier Chef pour reparation d'iceluy condamner aux peines de droict qui sont Capitales, ses biens acquis & confisque a la Maiesté signé du Croc.

Aprés toutes ces procedures, il fut ramené par le Comte de Charlus dans l'Hostel de Ville, avec le mesme ordre qu'il en estoit sorty le matin.


Deux heures apres, Monsieur le Cardinal de la Valette qui auoit employé toute la matinée en deuo-

tion à l'intention dudit sieur Duc, pendant qu'il estoit deuant les Iuges, pour n'oublier aucun office d'un parfait amy, comme il luy estoit, l'alla visiter par permission du Roy: ils furent vne bonne heure & demie ensemble, & ne se separerent qu'avec vne abondance de souspirs & de larmes.

Monsieur de Montmorency, qui durant sa prison auoit tenu auprès de soy vn Chirurgien & vn Vallet de Chambre, donna le Valet de Chambre à Monsieur le Cardinal de la Valette, & le pria de luy enuoyer cent pistoles pour son Chirurgien, ce qu'il fit, & dés l'heure partit de Thoulouze pour aller chercher quelque allegement à sa fascherie, dans son Abbaye de Granzelles près Thoulouze.

La nuit estant venuë Monsieur de Montmorency se fit donner vne plume & du papier pour escrire à Madame de Montmorency sa femme la lettre qui suit.

Monsieur le Cardinal de la Valette.



LETTRE DE
MONSEIGNEUR LE DVC
DE MONTMORENCY,
à Madame sa femme.

MON cher Cœur,
Je vous dis le dernier
Adieu, avec la mesme af-
fection qui a tousiours esté entre nous. Je
vous coniure pour le repos de mon ame,
& pour celuy que j'espere voir bien-tost
par sa misericorde dans le Ciel, de mo-
derer vostre ressentiment. I'ay receu
tant de graces de mon doux Sauueur,
que vous auez tout suiet d'en recevoir
vne grande consolation.

Adieu encore vne fois.

Il escriuit encore deux lettres, l'une
à Madame la Princesse, & l'autre à
Monsieur le Cardinal de la Valette.

Le lendemain les Chambres se
r'assemblerent: Monsieur le Garde des
Sceaux y presida: L'on entra aux opi-
nions: le Doyen de la grande Cham-
bre fut le premier qui opina à la mort,
apres auoir allegué tout ce que le
droict Romain & le François, ordon-
nent sur tels crimes de leze Maiesté,
le reste de l'Assemblée suiuit du bon-
net sans dire autre chose.

Monsieur le Garde des Sceaux fut
du mesme aduis, suiuant lequel il fit
dresser l'Arrest, qu'il signa auant que
de sortir de la Chambre.

Après cela le parlement commit
quelques-vns pour aller donner aduis
au Roy de la teneur de l'Arrest, &
comme il portoit que l'exécution en
deuoit estre faite en place publique
des Salins, & que ses biens estoient
confisquez à sa Maiesté. Surquoy elle
donna vne lettre du grand sceau, qui
changeoit le lieu de l'exécution &
ordonnoit qu'elle se feroit à huys clos
dans la maison de Ville.

Le Comte de Charlus qui fut chargé de faire entendre à Monsieur de Montmorency le contenu de cette lettre, eut aussi commandement de luy demander l'Ordre du S. Esprit, & le Baston de Marechal de France, il rendit l'un & l'autre.

Il pria pareillement le sieur de saint Preuil de demander au Roy pardon de sa part, & d'offrir à Monsieur le Cardinal de Richelieu vn Tableau de saint François, pour marque qu'il mouroit son tres-affectionné seruiteur.

Sur le midy de la mesme iournée, les 2. Commissaires & le Greffier Criminel furent dans la Chappelle de l'Hostel de Ville, où ils firent venir ledit Sieur de Montmorency, qui se mit à genoux auprès de l'Autel, ayant les yeux fichez sur vn Crucifix grand comme le naturel, qui est peint dans cette Chappelle, là il ouït prononcer son Arrest: & puis s'estant leué, dit tout haut à la Compagnie, *Je vous supplie,*
Messieurs,

Messieurs, de prier Dieu qu'il me face la grace de souffrir Chrestienement l'exécution de ce qu'on me vient de lire. Cela fait, les Commissaires le laisserent entre les mains du Pere Arnoux; & l'un d'entr'eux luy dit: Monseigneur nous allons faire ce que vous nous avez commandé, & nous prierons Dieu qu'il vous console.

Estant demeuré de la sorte dans la dite Chappelle avec le Pere Arnoux, & 3. autres Peres de la mesme Societé, il haussa tout à coup les yeux vers le Crucifix, & puis les baissant en un instant sur ses habits, qui estoient fort beaux ce iour-là, il ietta sa robe de chambre par terre, & dit, Oserois-je bien, estant criminel comme ie suis, aller à la mort vestu avec vanité, cependant que mon Sauveur innocent meurt tout nud en la Croix? Mon Pere, adiousta-il au Pere Arnoux, il faut que ie me mette nud en chemise, pour faire amende honorable devant Dieu,

pour les grandes fautes que j'ay commises contre luy.

Quelque temps après il remonta dans sa chambre. Comme il en sortit, vn des siens luy voulut remettre sa robbe sur ses épaules, il la reietta, disant, *Il n'en faut point, nous irons tout blancs en Paradis.*

Parmy ces discours, il employa tout le temps qu'il eut depuis midy iusqu'à 2. heures, à faire des actes de resignation à la volonté de Dieu, d'humilité & de contrition: baisant sans cesse vn Crucifix qu'il auoit dans ses mains.

Il demanda, à qu'elle heure faut il mourir? On luy répondit, que l'ordre portoit que ce seroit sur les 5. heures. Il adiousta: *Ne pourrois-je pas mourir plus tost, & enuiron l'heure que I. Christ mourut en la Croix? & cela luy estant laissé à son choix, il dit, Mourons donc, que l'on me coupe les cheueux, & qu'on me deshabille.*

Puis se tournant vers le Pere Arnoux , le pria de faire tenir les lettres qu'il auoit écrites la nuit precedente , & de donner vn Reliquaire qu'il portoit à Madame la Princesse sa sœur , & a Mademoiselle de Bourbon sa niepce , & vne bague.

Là dessus il quitta son pourpoint, & son Chirurgien luy fit ses cheueux , il se mit en calecons , & apres les 2. heures , il demanda encore vne fois , si tout estoit prest: Luy ayant esté respondu , que toutes choses estoient preparées , *Al-lons donques* , dit-il , & sur ce mot, il trauersâ vne allée qui le conduisoit dans la court de l'Hostel de Ville , où il rencontra les Officiers des Gardes sur les passages, qui le salüerent.

Ayant passé l'allée, il trouua tout à l'entrée de la cour vn eschaffaut de 4. pieds de hauteur , sur lequel il monta , accompagné du Pere Arnoux , & suiuy de son Chirurgien.

gien , il salua la compagnie , on le Greffier du Parlement , le grand Preuost & ses Gardes, les Capitoux & Officiers du Corps de ville , qui auoient eu commandement de s'y trouuer, & leur dit , *Je vous prie de resmoigner au Roy que ie meurs son tres humble subiet, & avec un regret extreme de l'auoir offencé, donc ie luy demande pardon, & de mesme à toute la compagnie.*

Il demanda en suite où estoit l'executeur , qui ne l'auoit point encor approché , & le voyant , il luy dit : *Mon amy , lie moy , bande moy les yeux , & fay promptement ton office.*

On luy dit , s'il vouloit il ne seroit point bandé , & que le Roy l'auoit ainsi ordonné , il fit responce. *Je ne scaurois mourir avec assez de honte.* Lors il croisa les bras , & voyant que son Chirurgien luy vouloit lier les mains avec le cordon de sa moustache , il se retourna vers

l'executeur , & luy dit , *C'est ton mestier fais-le.* L'executeur le lia , & Monsieur de Montmorency luy demanda , *Suis-ie bien ?* L'executeur respondit , qu'on ne luy auoit pas couppé les cheux assez près , *Coupe les donc à ton gré* , luy dit-il , & son Chirurgien y voulant mettre la main , il se retira de luy , en disant : *Vn grand pecheur comme ie suis ne peut mourir avec assez d'ignominie: I. Christ a esté seulement battu , mais seruy par des Bourreaux.* L'executeur luy couppa donc les cheux , & rompa la chemise du col , pour ne le pas despoüiller à demy corps , comme on a de coustume de faire aux autres.

En cét esquipage il se mit à genoux deuant le poteau , sur lequel il se mesura pour prendre vne posture , où ses blessures , dont il n'estoit pas encore bien guery , ne le iettassent point en impatience , receut la derniere benediction du Pe-

Le ARMOUX, salua la compagnie, baïsa le Crucifix, recita son *In manus*, se fit bander les yeux de son mouchoir, aduertit l'exécuteur de ne le point frapper qu'il ne luy dit, mit son col sur le poteau, le releua vn peu, puis s'estant mieux raiusté, luy dit, *Frappe hardiment*, & comme il eut prononcé ces derniers mots, il adiousta, *Mon doux Sauueur receuez mon ame*. L'exécuteur fit son office, & d'un coup luy abatit la teste. Aussi tost apres le grand Preuost commanda qu'on ouurist les portes, le peuple entra en foule, & vit le corps séparé de la teste.

Dés que l'exécution fut faicte, 2. Ecclesiastiques, Officiers de Monsieur le Cardinal de la Valette, furent prendre le corps, & le porterent dans la Chappelle de l'Abbaye de S. Sernin, ou la teste fut recousüe, le corps embaüsmé, mis dans vn cercueil de plomb, &

la porte ouuerte au peuple , le Chapitre de S. Sernin , les Cordeliers & les Iacobins y furent dire les obseques : le corps demeura en cette Chappelle , qui fut rendüe en grand dueil , iusques à 9. heures du soir , qu'il fut enterré dans l'Eglise S. Sernin , où depuis que Charlemagne y apporta les corps des Ss. Apostres , on n'auoit iamais enseuely que ceux des Martyrs , ou des Canonisez : en telle sorte que les Comte mesme de Thoulouze n'ont iamais peü auoir ce priuilege : leurs sepultures sont dans vn Cymetiere qui tient à l'Eglise.


L'endroit où il est enterré , est vne Chappelle dédiée à S. Exupere , ce grand Euesque de Thoulouze , que S. Hierosme louë si fort , & qui est le Patron de la ville : tellement que dans vn mesme lieu , la terre cache le corps d'vn Gouverneur , que la ville a

extrêmement aimé, l'Autel porte celui d'un Patron qu'elle reuere d'une deuotion particuliere.

Le 23. dès les 4. heures du matin, l'on dit des Messes pour le repos de son ame dans cette Chapelle, qui fut preparée des ornemens conuenables aux ceremonies qu'on fait aux personnes de sa qualité. Messieurs les Euesques de Pamiez, & de Comminges y furent dire la Messe, & en suite beaucoup d'Ecclesiastiques qualifiez de la ville en firent de mesme. Messieurs du Parlement y allerent à diuerses troupes, & les iours de la Toussaints, & celui des Morts, on abandonna les Parroisses pour aller ietter de l'eau beniste sur son tombeau.

Enfin tout le monde le regrette, & le comdamne : les mesmes bouches qui plaignent sa mort, blasment sa faute. Il sert au Roy de matiere d'une parfaite iustice : les

Grands y voyent vn exemple à leur
 persuader l'obeyssance , & tous les
 hommes y peuuent apprendre que
 les plus hautes fortunes de la terre
 sont exposées aux plus grandes dis-
 graces , qu'il importe fort peu aux
 predestinez , que ce soit vn bouler,
 ou vne espée qui ouure le passago
 à l'ame , & qu'il est indifferent que
 ce soit dans vn liét , ou sur vn es-
 chaffaut que l'esprit abandonne le
 corps , pourueu que le Ciel le re-
 çoiue.



E P I T A P H E
 D E M O N S E I G N E V R
 le Duc de Montmorancy.

M A R S est mort, il n'est plus
 que poudre,
 Et ce grand Phœnix des guerriers,
 Sous vne forest de lauriers,
 N'a sceu se garantir du foudre.

Sa trame vient d'estre couppée,
 Au regret de tout l'Vniuers,
 Il ne vit plus que dans nos vers.
 Et de ce qu'a fait son espée.

Toy qu'iles lis, & ne sçay pas.
 De quelle façon le trespas
 Attaqua cette ame guerriere:
 Ces deux vers t'enferont sçauant.
 « La Parque l'a pris par derriere
 « N'osant l'attaquer par deuant,

*Abolition de Monseigneur le Duc
d'Orleans.*

Le Roy veut de bon cœur oublier & pardonner la faute a Monsieur, & ne demande autre condition pour ce faire, siuon qu'il en ait vn veritable repentir, & qu'il fasse paroistre clairement, qu'il n'y veut plus retourner, comme il a fait deux fois apres auoir receu de sa Maiesté pareille grace, que celle qu'elle luy veut faire.

Pour cét effet la premiere chose qui est requise, c'est que Monsieur reco-
gnoisse sa faute par escrit, supplier le Roy la vouloir oublier, & la luy pardonner.

La deuxiesme, qu'il donne assurance raisonnable, & possible de ne vouloir plus retourner à l'aduenir en pareil inconuenient.

Cette assurance peut consister en promesses & effets reels, la promesse sera d'abandonner toutes sortes de pratiques soit au dedans, soit au dehors du Royaume, & n'auoir plus.

sous quelque pretexte que ce soit, en quelque façon que se puisse estre d'intelligence avec l'Espagne, Lorraine, ny Princes Estrangers avec la Royne sa Mere, tandis qu'elle sera en l'estat auquel elle est, ny aucun du Royaume contre le gré de sa Maiesté, & de demeurer en tel lieu qu'il plaira au Roy luy prescrire & y viure cōme vn vray frere & suiet.

Les effets doiuent estre premierement qu'il ne prenne aucun interest en l'eslection d'iceux, qui se sont liées à luy en ses occasions pour faire leurs affaires à ses dépens & de ceux de la France, & de ne pretendre pas auoir suiet de se plaindre. Quant le Roy leur fera subir ce qu'ils meritent, bien entendue cependant qu'au nombre de telles gens, les domestiques de Monsieur qui sont presentement aupres de sa personne ny sont pas compris.

Qu'il ne demande aucune grace particuliere au Roy pour les Estran-

gers qui luy ont esté donnés pour les faire entrer en armes dans le Royaume, où qu'il a amené avec luy, auxquels toutesfois par pure bonté. Sa Maiesté accorde six iours pour se retirer dans le Roussillon.

Qu'il recoiue actuellement aux charges vacantes de sa maison, & entre - autres en celle de Chancelier des personnes agreables, & nommées par sa Maiesté, afin que chacun puisse voir qu'il ne veut point agir à l'aduenir qu'avec vn mesme esprit avec sa Maiesté.

Que si mesmes y a quelqu'un qu'il soit desagreable au Roy, homme capable de vouloir alterer les bonnes intentions de Monsieur, il l'esloignera de sa maison par son propre mouuement.

Pour ce que le Roy ne peut ignorer que tous les mauuais conseils que Monsieur a pris, luy ont esté pareillement suggerés par le sieur de Puy-laurent, à qui il donne sa

principale confiance ; ledit sieur de Puy-laurent aduertira Sa Maïesté entierement de tout ce qui s'est traitté par le passé , qui pourroit estre preiudiciable où à l'estat où aux interests du Roy , & de ceux qui ont l'honneur de le servir , & declarerera qu'il veut estre tenu coupable comme il est maintenant , auant que de receuoir la grace du Roy s'il est contreuenue en quelque façon que se puisse estre au contenu de ce qui aura esté promis.

Pour que Monsieur fasse paroistre qu'il veut qu'autre ce que dessus soit religieusement obserué ; il commandera mesmes à tous les siens d'aduertir le Roy de tout ce qu'ils recognoistront se passer , au contraire , & ceux que le Roy desirera en fasse le serment.

Nous Gaston IX. Consentons tout le contenu cy-dessus qui nous a esté présenté de la part du Roy par Monsieur de Bullion sur-Intendant de

ses finances, & promettons en parole & foy de Prince l'executer si religieusement que nous ny contreuiendrons en aucune façon.

Nous promettons en outre de conspirer de tout nostre pouuoir à toutes les bonnes intentions, que le Roy a pour le bien & grandeur de son Estat, & de plus aymer tous ceux qui seruent Sa Maiesté, & particulièrement nostre Cousin le Cardinal de Richelieu, que nous auons tousiours estimé pour la fidelité & sa personne aux interets du Roy & de l'Estat.

Moyennant ce que dessus le Roy remet Monsieur en ses bonnes graces le restablist en tous ses biens, & trouue bon qu'il demeure paisible en telle de ses maisons qu'il plaira au Roy designer avec ses domestiques, auxquels elle pardonne aussi, & fera declarer abolition du crime qu'ils ont commis par leur rebellion, & les remettra en leurs biens, ce

qui s'entend de ceux qui sont près de sa personne, & non de ceux qui en sont absens & esloignez.

Sa Maiesté pardonne aussi pareillement au Duc Delbœuf, & le remet en ses biens, luy promettant de demeurer en telle de ses maisons, que sa Maiesté aura pour agreable.

Louis XIII. apres auoir veu & leu tous les articles cy-dessus signez par nostre tres cher & tres amé frere vnique, & contresigné par Coulas son Secretaire, & signé aussi par le sieur de Bullion, sur Intendant de nos Finances, & Marquis de fesse Gouverneur, de nostre Ville & Citadelle, de Montpellier: Nous les approuuons, confirmons & ratifions & voulons qu'en tout le contenu en iceux ils ayent leur plain & entier effect, selon leur forme & teneur, sans y estre contreuenu en quelque sorte & manier que ce soit fait à Montpellier, le premier iour d'Octobre l'an mil six cens trente deux, signé Louis & plus bas Bouchillier.



MEMOIRE DE

MONSIEUR.

D'AYGUEBONNE,


SA Maiesté, pour témoigner à Monsieur qu'il le veut traiter non seulement en Frere aîné & en Roy, mais aussi en Pere, qui se sert de toutes les occasions pour le ramener a son deuoir, Ne receut pas plustost la confirmation de la défaite de Monsieur le Duc de Montmorency, qu'il luy enuoya Monsieur d'Ayguebonne avec cette instruction.

Le Sieur d'Ayguebonne ira trouuer Monsieur, pour luy dire, Que le Roy continuant sa bonté enuers luy, & ne voulant tirer autre aduantage des suecez qu'il plaist à Dieu luy donner,

que ceux qu'il desire luy-mesme pour son propre bien : sa Maiesté luy a cōmandé de le venir trouuer, & luy offrir de sa part, au cas qu'il vueille recognoistre sa faute, & renoncer à toutes ses intelligences & factions, tant dedans que dehors le Royaume, de le bien recevoir & bien traiter avec sa Maison dans sa Cour, & faire executer de bonne foy ce qui est en sa dernière Declaration, le remettant en ses biens, ainsi qu'il est porté par icelle.

Que si Monsieur ayme mieux demeurer en autre lieu que sa Maiesté puisse agreer, comme ne luy estant point suspect, elle l'approuuera, & luy laissera la libre iouyssance de son bien.

Que sa Maiesté restablira le Duc d'Elbeuf en ses biens, & fera le semblable de tous les domestiques de Monsieur, qui sont presentement près de sa personne, accordant à tous les abolitions necessaires pour leurs personnes & leurs biens.



*PROPOSITIONS FAITES PAR
Monsieur de Chaudbonne, de la
part de Monsieur.*

DEmande la liberté de Monsieur de Montmorency, & son restablissement en ses charges & biens.

Le restablissement de Messieurs d'Elbeuf, de Bellegarde, & de tous les autres qui ont suiuy la Reyne & luy, dās leurs charges, gouuernemēs & biens.

Vne Place de seureté pour Monsieur, non suspecte au Roy, comme Beffiers, Laon, la Fere, ou Verdun, en laquelle Monsieur puisse demeurer librement avec garnison raisonnable.

Demande le restablissement de la Reyne Mere en tous ses biens & pensions, & qu'elle puisse demeurer librement en telle de ses Maisons qu'il luy plaira, ou en la place qui sera delaissee à Monsieur.

Demande qu'il plaife au Roy rendre à Monsieur de Lorraine les places de fes Eftats qu'il a maintenant entre les mains.

Demande grace & abolition pour quelques-vns de ceux qui l'ont fuiuy, qui estoient en crimes pour duels & autres cas, auparavant que de le servir & l'auoir fuiuy.

Demande au Roy qu'il luy plaife luy donner vn millon de liures, pour payer ce qu'il a emprunté des Espagnols & de Monsieur de Lorraine, ou autres.

Demanded'estre remis en ses biens, pensions, appanages, & Gouvernemens.

Demande que les iugemens rendus contre la Dame du Fargis soient renouquez, & qu'elle soit remise en ses biens & charges.

Demande en outre que le Roy ne s'aduance pas dauantage aux ses armes.

Moyennant ce que dessus, Monfi-

eur promet de se separer de toute association & intelligence contraire au seruice du Roy, & pour seureté en donner sa foy & sa parole en telle forme qu'il pourra, & promettra de plus d'aymer tous les seruiteurs du Roy.

Ledit Sieur de Chaudebonne a dit auoir charge particuliere de Monsieur d'asseurer le Cardinal de Richelieu de son amitié, pourueu qu'il s'employe auprès du Roy aux choses cy-dessus.

Outre ce que dessus, ledit sieur de Chaudebonne propose que Monsieur de Montmorency & sa femme iureront de ne se separer iamais du seruice du Roy, comme aussi les Sieurs d'Elbeuf, de Puy. Laurés & tous les autres.

46
Epiſtrophe de Monſieur le Comte de
46
RESPONSE DV

ROY.

A MONSIEVR,

MON FRERE,

Les propositions que le ſieur de
Chaudebonne m'a faites de voſtre
part, ſont ſi peu conuenables à ma di-
gnité, au bien de mon Eſtat & au
voſtre propre, que ie ne puis y faire
autre Reſponſe que ce que ie vous ay
fait ſçauoir par le ſieur d'Ayguebon-
ne, pour témoignage de mon affecti-
on en voſtre endroit. Je vous prie de
vous diſpoſer à en receuoir les effets,
vous aſſeurât qu'en ce caſi'oublieray
le paſſé de tres-bon cœur, & vous fe-
ray paroître de plus en plus, que ie
ſuis.

Du quinzième Septembre au S. Eſprit.

Epitaphe de Monsieur le Comte de
Soissons.

Soissons armée contre les loix
Seuille un laurier trouue un supplice
Le sort couronne ses exploits
Le ciel punit son iniustice.

Vn Iniuste depit d'as un cœur genereux
Me porte aveuglement à la guerre ciuille,
Et sans estre appuyé que d'une seul ville,
L'ose attaquer vn Roy, puissant & valeu-
reux, (poudreux

Déjà couuert de sang dessus les Champs
L'en auois par le fer moisné plus de mille
Quant mars qui paroissoit a mes vœux si
saillie.

Me fit perir d'un plomb fatallement
heureux, (étoire,
Le destin des Bourbons m'a promis la vi-
Le destin des Bourbons m'en a rauy la
gloire. (effort,

Vainqueur ie suis vaincu de mon premier
L'ay toutesois ce fruit de ma vaine espe-
rance, (mort,

Que le Ciel a conioinct ma victoire a ma
Faisant voir ma valeur & conseruant la
France.

EPITAPH E DE LA REYNE MERE.

LE Palais Florentin, me donna le
Liour beau, (gloire,
Le Louure de Paris, a veu brillier ma
Le nom de mō espoux d'immortel memoire
S'est placé dans le Ciel comme vn astre
nouveau.

Pour gendre i eus deux Roys, pour fils
claire flambeau,
Qui de mil rayons esclatte dans l'histoire
Entre tant de grādeur se pourroit il bien
croire.

Je suis mort en exil Collongne est mon
Tombeau.

Cologne osildes citez de la terre allemāde
Si iamais vn passant, curieux te demande
Le funest recit desmaux que i ay souffert,
Dits le triste cercœuil chestinemēt enserre
La Royne dans le sang reigne en tout l'u-
niuers, (ce de terre.

Qui n'eut pas en mourrant vn seul pou-

F I N.

